

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla" d.o.o.

Broj: 05/2-45-594-12/26
Dubrave Gornje, 22.06. 2026. godine

Na osnovu člana 69. stav (1) tačka a) i člana 70. Zakona o javnim nabavkama BiH („Službeni glasnik Bosne i Hercegovine“ broj: 39/14, 59/22 i 50/24), te prijedloga Komisije za provedbu postupka javne nabavke na JP „Međunarodni aerodrom Tuzla“ d.o.o., u ime Uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

O D L U K U o izboru najpovoljnijeg ponuđača

I

Ponuda ponuđača „**MIGROS“ d.o.o. Sarajevo**, za ponuđenu cijenu od **31.000,00 KM bez PDV-a** proglašava se najpovoljnijom, te se imenovanom ponuđaču dodjeljuje Ugovor o nabavci kolica za prtljag na JP „Međunarodni aerodrom Tuzla“ d.o.o.

II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

IV

Ova Odluka stupa na snagu danom donošenja, i objavit će se na web-stranici: www.tuzla-airport.ba u skladu sa članom 70. stav (6) Zakona o javnim nabavkama.

O b r a z l o ž e n j e

Odlukom o pokretanju postupka broj: 05/2-45-594/26 od 29.04.2026.godine, pokrenut je konkurentski zahtjev za nabavku kolica za prtljag, ukupne procijenjene vrijednosti 34.000,00 KM.

Tenderskom dokumentacijom i obavještenjem o nabavci rok za dostavljanje ponuda je bio do 29.04.2026. godine do 09:00 sati, a javno otvaranje pristiglih ponuda izvršeno je istog dana sa početkom u 09:30 sati, a što je sve konstatovano zapisnikom sa otvaranja ponuda broj: 05/2-45-594-7/26. Zapisnik sa otvaranja ponuda dostavljen je svim ponuđačima u skladu sa zakonskim i podzakonskim aktima.

Komisija imenovana za provođenje predmetnog postupka je pristupila pregledu i ocjeni dostavljenih ponuda. Predmetnom tenderskom dokumentacijom utvrđeni kriterij za dodjelu ugovora je „NAJNIŽA CIJENA“.

Prema zapisniku sa otvaranja ponuda broj: 05/2-45-594-7/26, Komisija konstatuje da su blagovremeno zaprimljene dvije (2) ponude i to ponude ponuđača:

1. **„MIGROS“ d.o.o. Sarajevo**, čija je ukupna cijena ponude iznosi 34.000,00 KM bez PDV-a
2. **„APS AVIATION PARTS SERVICE“ d.o.o. Beograd**, čija ukupna cijena ponude iznosi 17.320,00 Eur-a

Pregled i ocjena pristiglih ponuda

Komisija je izvršila uvid u ponudu ponuđača **„MIGROS“ d.o.o. Sarajevo**, te je utvrdila da je predmetni ponuđač je u pogledu uslova za kvalifikaciju dostavio popunjenu i ovjerenu izjavu iz člana 45. i člana 52. Zakona o javnim nabavkama BiH. U pogledu uslov za dokazivanje sposobnosti za obavljanje profesionalne djelatnosti, ponuđača je dostavio ovjerenu kopiju aktuelnog izvoda iz sudskog registra.

U pogledu dokazivanja tehničke i profesionalne sposobnosti, ponuđač je dostavio kopiju kataloga proizvođača štampan na jednom od službenih jezika u BiH za predmetnu robu. Uvidom u isti utvrđeno je da roba ispunjava minimalne tehničke specifikacije koje su definisane predmetnom tenderskom dokumentacijom.

U pogledu druge ponude dostavljene od strane ponuđača **„APS AVIATION PARTS SERVICE“ d.o.o. Beograd**, utvrđeno je da je dostavljena ovjerena izjave iz člana 45. Zakona, kao i dokaze o ispunjavanju uslova iz tačke 3.1.3. tenderske dokumentacije. Nadalje ponuđač je dostavio Izvod o registraciji privrednog subjekta kao dokaz o ispunjavanju uslova iz tačke 3.2. tenderske dokumentacije.

Utvrđeno je da je ponuđač kao dokaz o ispunjavanju tehničke i profesionalne sposobnosti dostavio katalog proizvođača, a koji je štampan na jednom od službenih jezika u BiH. Detaljnim pregledom navedenog kataloga utvrđeno je da ponuđena roba u potpunosti ispunjava sve tehničke karakteristike i zahtjeve tražene u tenderskoj dokumentaciji.

Nakon završenog uvida u dostavljene ponude, Ugovorni organ je u skladu sa članom 68. stav (3) Zakona uputio ponuđačima Migros d.o.o. Sarajevo i APS AVIATION PARTS SERVICE d.o.o. Beograd zahtjev za pojašnjenje dostavljene dokumentacije

protokolisan pod brojem: 05/2-45-594-8/26 od 01.06.2026. godine i broj: 05/2-45-594-9/26 od 01.06.2026. godine.

Predmetni zahtjevom je traženo od ponuđača da dostave Ugovornom organu izvorni (originalni) katalog izdat i odštampan od strane proizvođača na jednom od službenih jezika u BiH, kao i zvanični internet link (URL adresu) sa web stranice proizvođača na kojoj se nalazi predmetni tehnički katalog na jednom od službenih jezika u BiH, ukoliko isti postoji na internet stranici proizvođača.

Predmetna dokumentacija je tražena radi provjere autentičnosti tehničke dokumentacije koja je dostavljena uz ponudu.

Ponuđač MIGROS d.o.o. Sarajevo je u svom odgovoru putem e-mail izjavio da ne postoji izvorni (originalni) katalog koji je izdat i odštampan od strane proizvođača na jednom od službenih jezika u BiH, kao ni na engleskom jeziku. Takođe ponuđač je naveo da ne postoji niti zvanični internet link (URL adresa) sa web stranice proizvođača na kojoj se nalazi predmetni tehnički katalog na jednom od službenih jezika u BiH, već da samo postoje dokumenti u digitalnom obliku, pdf-u, i da se isti mogu odštampati ukoliko su potrebni štampani primjerci dokumenta, te da dokument u elektronskoj formi dostavlja u prilogu.

Uvidom u zaprimljeni odgovor i priloženu tehničku dokumentaciju u elektronskoj formi koja na sebi nosi zvanični logotip proizvođača, Komisija konstatuje da je ponuđač na adekvatan način pojasnio status tražene dokumentacije. S obzirom na to da dostavljeni tehnički podaci u potpunosti ispunjavaju zahtjeve iz tehničke specifikacije tenderske dokumentacije, Komisija je ponudu ponuđača MIGROS d.o.o. Sarajevo ocijenila kao **prihvatljivu**.

Ponuđač APS AVIATION PARTS SERVICE d.o.o. Beograd je u svom odgovoru naveo da dostavljeni katalog predstavlja originalni materijal koji je dobijen od proizvođača, kao i da je isti izrađen na srpskom jeziku, na latinici radi bolje razumljivosti.

Postupajući po zahtjevu, ponuđač je dostavio katalog koji je ovjeren potpisom i pečatom proizvođača kojim se potvrđuje autentičnost već dostavljenog kataloga.

Na osnovu navedenog, Komisija je utvrdila da je predmetni ponuđač dokazao ispunjenje uslova iz tačke 3.3.2. tenderske dokumentacije, te je ponudu APS AVIATION PARTS SERVICE d.o.o. Beograd ocijenila kao **prihvatljivom**.

Obzirom da su obje ponude ocjenjene kao prihvatljive, postupak je nastavljen u cilju održavanja e-aukcije, koja je održana dana 18.06.2026. godine sa početkom u 12 časova.

Početna rang lista ponuđača koji su pozvani da učestvuju u e-aukciji je glasila:

1. APS AVIATION PARTS SERVICE d.o.o. Beograd sa početnom cijenom u iznosu od 33.874,98 KM
2. MIGROS d.o.o. Sarajevo sa početnom cijenom u iznosu od 34.000,00 KM

Po završetku e-aukcije, rang lista ponuđača je glasila:

1. MIGROS d.o.o. Sarajevo sa konačnom cijenom u iznosu od 31.000,00 KM
2. APS AVIATION PARTS SERVICE d.o.o. Beograd sa konačnom cijenom u iznosu od 31.490,00 KM

S obzirom da je kriterij za dodjelu ugovora u predmetnom postupku nabavke bio „*najniža cijena*“ i da je ponuda ponuđača MIGROS d.o.o. Sarajevo nakon provedene e-

aukcije ocijenjena kao takva, Komisija za provođenje postupka javne nabavke kolica za prtljag je predložila Upravi Ugovornog organa prihvatanje ponude, te donošenje odluke o izboru najpovoljnijeg ponuđača shodno članu 70. Zakona o javnim nabavkama BiH.

Na osnovu prijedloga Komisije za provođenje predmetnog postupka javne nabavke, donesena je odluka kao u dispozitivu.

PRAVNA POUKA: Žalba se može izjaviti u roku od 5 (pet) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:

2 x Ponuđaču

1 x Evidencija

1 x a/a



DIREKTOR
Dževad Halilčević